

161 Keflavík, Neskaupstað, Ólafsfirði, Reykjavík, Sauðárkróki, Seyðisfirði, Siglufirði og 27. nóv. Vestmannaeyjum), en allt að kr. 10000 fyrir menn búsetta annars staðar. Sá, sem vill fá kröfur innheimtar af póststjórninni, verður sjálfur að senda þær í ábyrgðarbréfi til pósthúss þess, sem á að innheimta þær.

4. gr.

Reglugerð þessi gengur þegar í gildi og fellur þá jafnframt úr gildi auglýsing nr. 183/1942.

Póst- og símamálastjórnin, 27. nóvember 1954.

Guðmundur Hlíðdal.

E. Sandholt.

162

1. des.

REGLUGERÐ

fyrir vatnsveitu Ólafsfjarðar.

1. gr.

Bæjarstjórn Ólafsfjarðarkaupstaðar hefur einkaleyfi til reksturs vatnsveitu og sölu vatns á svæði því, er vatnsveitan nær yfir og hún getur fullnægt og einnig til hafnarinnar í Ólafsfirði.

2. gr.

Frá vatnsæðum vatnsveitunnar má enginn leggja vatnsæðar nema með leyfi vatnsveitunefndar.

3. gr.

Öll framkvæmdarstörf, er vatnsveituna varða, annast vatns- og hitaveitunefnd í samráði við bæjarstjórn og bæjarstjóra. Vatnsveitunefnd annast um viðhald vatnsveitunnar, endurbætur og umsjón alla. Bæjarstjórninni skal heimilt að ráða sérstakan umsjónarmann vatnsveitunnar, er hafi eftirlit með vatnsveitukerfinu og annist önnur þau störf í þágu vatnsveitunnar, er henta þykir. Vatnsveitunefnd getur löggilt sérstaka vatnsvirkja til að annast viðhald og viðauka við vatnsveituna, og er þeim skylt að fara í öllu eftir þeim reglum, er vatnsveitunefnd setur þar um.

4. gr.

Bæjarstjórn hefur á hendi reikningshald vatnsveitunnar og innheimtu gegn hæfilegu endurgjaldi. Reikningsárið er almanaksárið og skulu reikningar vatnsveitunnar endurskoðaðir af endurskoðendum bæjarreikninganna og fylgja bæjarreikningum ár hvert.

5. gr.

Bæjarstjórn lætur leggja vatnsæðar svo víða um kaupstaðinn sem fært þykir og þörf krefur, svo að húseigendur eigi greiðan aðgang að þeim við veg, götu eða annað almenningssvæði, er lóðir þeirra liggja að eða eru í námunda við. Hverjum húseiganda ber að greiða allan kostnað við lagningu vatnsæðar úr götulögnum í hús hans og annast viðhald þeirra á sinn kostnað.

6. gr.

Skylt er hverjum húseiganda, er vatnsæð hefur, að halda vatnsæðum sínum vel við og láta tafarlaust gera við þær, ef leki kemur að þeim. Hann skal sérstaklega gæta þess, að ekki frjósi í æðunum. Enginn má eyða vatni að óþörfu.

7. gr.

Vatnsveitunefnd, umsjónarmanni og löggiltum vatnsvirkjum er heimilt að fara um hús manna, þar sem vatnsæðar liggja, til þess að athuga þær og tæki þau, er sett eru í sambandi við þær. Ef þeim þykir útbúnaði í einhverju ábótavant, skal tafarlaust bætt úr því á kostnað eiganda.

162

1. des.

8. gr.

Heimilt er vatnsveitunefnd að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki vatnsskatt á réttum gjalddaga.

Ágreiningi út af þessum atriðum má skjóta undir dóm bæjarstjórnar. Fullan vatnsskatt ber að greiða einnig fyrir þann tíma, sem vatnsæðum er lokað.

9. gr.

Af öllum húseignum á vatnsveitusvæðinu, sem vatn er lagt að, sbr. 5. gr. skal greiða vatnsskatt, að upphæð kr. 10.00 af þúsundi fasteignamatsverðs og auk þess 50.00 kr. af hverri íbúð íbúðarhúss fram yfir eina, þó þannig, að lægsta gjald af einbýlishúsi skal vera kr. 75.00 og af íbúðarhúsi með tvær íbúðir eða fleiri skal lægsta gjald vera kr. 55.00 af íbúð. Af gripahúsum, sjóhúsum og öðrum húsum skal lægsta gjald vera kr. 50.00.

10. gr.

Af húsum þeim, sem nota vatn til annars en venjulegra heimilisþarfa vegna atvinnu, sem í þeim er rekin, skal greiða aukagjald eftir samkomulagi við bæjarstjórn. Sömuleiðis fyrir hreyfivélar, verksmiðjur, sláturhús, baðhús, þvottahús, iðnfyrirtæki og til hvernar annarrar slíkra notkunar. Náist ekki samkomulag um upphæð gjaldsins, er heimilt að innheimta það eftir mæli, sem hér segir:

Af fyrstu 500 smál. sé greitt kr. 0.75 af hverri smál.

Af næstu 500 smál. sé greitt kr. 0.30 af hverri smál.

Af hverri smál. af því, sem þar er fram yfir, greiðist kr. 0.15 af smál.

11. gr.

Auk þess vatnsskatts, er um getur í 9. og 10. gr. skal greiða sem hér segir:

1. Fyrir vatn til skipa kr. 12.00 fyrir smálestina, þó sé aldrei greitt minna en kr. 30.00 í hvert skipti.
2. Af hverri tunnu saltaðrar síldar kr. 0.30.
3. Fyrir hvert skippund af þvegnum fiski kr. 1.00.
4. Trillubátar greiði kr. 25.00 á ári.
5. Heimilt skal bæjarstjórn að semja um fast árgjald fyrir neyztuvatn til skipa og báta, sem gerð eru út frá Ólafsfirði.

12. gr.

Bæjarstjórn getur ákveðið að hækka eða lækka vatnsskatt þennan allt að 50%.

13. gr.

Gjalddagi vatnsskatts húsa er 1. júlí ár hvert og greiðist vatnsskatturinn í einu lagi fyrir liðandi ár. Vatnsskattur samkvæmt 11. gr. fellur í gjalddaga um leið og varan er framleidd eða flutt á skipsfjöl til útflutnings.

Vatnsskattinn má taka lögtaki og er hann tryggður með lögveði í eigninni næstu tvö ár eftir gjalddaga með forgangsveði fyrir hvers konar samningsveði og aðfararveði.

162

14. gr.

1. des. Bannað er að taka vatn úr brunahönum vatnsveitunnar eða setja hreyfivélar í sambandi við hana, nema með leyfi vatnsveitunefndar.

15. gr.

Brot gegn reglugerð þessari varða sektum, allt að kr. 500.00 nema þyngri refsing liggji við samkvæmt almennum lögum. Valdi nokkur skemmdum á vatnsveitunni, skal hann bæta það eftir mati þar til kvaddra manna.

Með mál út af brotum á reglugerð þessari skal farið sem almenn lögglumál.

Reglugerð þessi, sem samin er og samþykkt af bæjarstjórn Ólafsfjarðar, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hluta eiga að máli.

Félagsmálaráðuneytið, 1. desember 1954.

Steingrímur Steinþórsson.

Hjálmar Vilhjálmsson.

163

2. des.

REGLUR

um radió-leyfi áhugamanna.

Samkvæmt 4. gr. reglugerðar, dags. 9. maí 1942, um stjórn, rekstur og eftirlit fjarskiptamála eru hér með settar eftirfarandi reglur um radió-leyfi áhugamanna:

1. gr.

Umsókn um leyfi til að setja upp eða reka radióstöð áhugamanna skal senda póst- og símamálastjórninni, og skal taka fram fæðingardag, heimilisfang, ásamt vottorðum um próf, sbr. 4. gr. hér á eftir.

2. gr.

Umsækjandi um radió-leyfi áhugamanna skal:

1. vera íslenskur ríkisborgari;
2. vera fullra 16 ára;
3. vera skráður útvarpsnotandi;
4. hafa lokið prófi, sbr. 3. gr., er póst- og símamálastjórnin tekur gilt;
5. vera félagi í Félagi íslenskra radió-amatöra.

3. gr.

Radió-leyfi áhugamanna greinast þannig:

1. Smíða-leyfi, þ. e. leyfi til þess að setja saman og setja upp til eigin afnota radióviðtæki og senditæki og loftnet til morse-viðskipta við aðra áhugamenn.
2. Tal-leyfi, þ. e. leyfi til að hafa talviðskipti við aðra áhugamenn.
Í þessum reglum er aðeins átt við áhugamenn, er hafa leyfisbréf.

4. gr.

Prófkröfur eru þessar:

1. Fyrir smíða-leyfi þarf próf:
 - a. í helztu atriðum í lögum um fjarskipti og tilheyrandi reglum varðandi radióviðskipti, svo og í þeim greinum alþjóðaradióreglugerðarinnar, er snerta